



聖濟總錄纂要

九

中武9
123
9

共十



門中武
番 123
卷 9

問氏
杏庭

同書

聖濟總錄纂要

卷之二十

程 林雲來

纂

查亮佐翊茲

新安

較

張 式嘉穀

程 鞏彥藩

癰疽門

附骨癰

附骨疽

在後

乳癰

腸癰

胃脘癰

癰疽統論

聖濟總錄纂要

卷之二十一 癰疽

治明
九
日

論曰周官瘍醫與疾醫分職可異治凡有瘍者受其藥焉蓋非專門之學不足以深究博識故也人之氣血與天地同流經絡常數與晝夜同度一或壅而不通沮而不利則血老不作汗肉陳不脫垢蒸氣不達癰疽內熱甚於焚溺治之不可緩是以喜怒憂樂之不時飲食居處之不節芳草藥石之發動內使陰陽不平而蘊結外致榮衛凝澁而腐化輕者起于六腑浮達而為癰外潰膚肉經所謂榮衛稽留於經脈之中血澁不行衛氣壅遏不通熱甚則肉腐為膿然不陷肌膚骨不為焦枯五臟不為傷損其皮薄

以澤是也 重者發于五臟蘊結而為疽內消骨髓經所謂熱毒熾盛下陷肌膚骨髓焦枯五臟涸竭當其病下良肉無餘其皮天以堅上如牛領之皮是也夫瘡腫之患莫大於癰疽明乎二者則凡腫毒丹癰可以類推矣故證有淺深治有輕重若瘡發之初湯液疏其內鍼石疏其外內外之治不同也五臟內虛則平補內實則駛利補瀉之法不同也瘡發於虛處則難差發於實處則易愈則其生有虛實之辨富貴體逸危殆者多貧賤形苦困篤者少則其形有苦樂之辨淺瘡欲在厚處攻之易平深瘡欲在薄處

聖濟新金錄要 卷之二十一
達之易及則肌肉皮膚有厚薄之辨脉見洪滑散其病
難治脉見微澁遲緩其病易治則脉之與病有應否之辨
凡癰之類其氣浮達宜灸病而不宜鍼烙凡疽之類其氣
深沉宜針烙而不宜灸病此灸病針烙之異也淋射瘡貼
以清腫毒膏潤溫養以生肌肉此先後終始之序也昔人
論癰疽病者惑於人神所在不可妄行鍼鍼刺見血不知
神之與形固為休戚體既不平神焉能定內經癰疽不得
項時回恐內爛筋骨第通臟腑豈有人神之忌耶
癰疽所生忌穴

背曲九處不可患瘡

第一入髮際為玉枕亦為舌本 第二項頸節

第三為崇骨 第四大椎為五臟 第五脊骨兩邊肺

俞穴 第六夾脊骨兩邊脾俞穴及肝俞穴

第七脊骨兩邊腎俞二穴 第八後心鳩尾穴

第九鳩尾骨穴

正面五處不可患瘡

第一喉骨為重鴈 第二當胸前為神舍 第三為心

鳩尾 第四當乳穴 第五臍下二寸為腸屈之間

聖濟總錄卷之二十一
側面三處不可患瘡

耳下近耳後牙車尖中央陷中爲喉脉一穴

當膊下下穴爲肩骨 承山上三寸一穴爲臑腸

辯癰疽證候美惡法

夫癰疽外發其理易明至於內癰內疽隱而不見目旣不接治之至難然五臟六腑有俞募雖結困於中而自形於外外察其部內審其源定藥按方若拔芒刺然則癰疽之發有五善七惡之證不可不察也 煩躁時嗽腹痛渴甚或瀉利無度或小便如淋一惡也 膿血大洩腫焮尤盛

膿色敗臭痛不可近二惡也 喘籠短氣恍惚嗜睡三惡

也 目視不正黑睛緊小白睛青赤瞳子上視者四惡也

肩項不便四肢沉重五惡也 不能下食服藥而嘔食

不知味六惡也 聲嘶色脫唇鼻青赤面目四肢浮腫七

惡也 動息自寧食飲知味一善也 便利調勻二善也

膿潰腫消色鮮不臭三善也 神彩精明語聲清亮四

善也 體氣和平五善也

癰疽發背治有專門寒熱虛實善惡淺深陰陽臟腑不深諸者恐多錯誤東垣曰少有差謬變症甚於傷寒未

可按方療治故一方不錄其餘一切癰癤瘡毒則精選不遺也

辛酉麥秋程林識於淮陰師古堂

附骨癰

論曰凡身體盛熱不可當風冷之氣入於肌肉則熱搏伏不得出故附着於骨而成癰也其狀無頭但腫而潤皮膚薄澤者以毒氣伏留于內故也法宜外散其寒內達蘊結之熱

治附骨癰方

新鼠皮

張一

一味看瘡大小裁貼日二次若出膿已潰

者用豬脊脂貼吮膿出盡即差

治附骨癰方

蓖麻子

去殼不拘多少

一味研令細取塗癰上日三兩度

即差

治附骨癰方

生地黄

取汁一盞

一味用銀石器中煎如膏候冷塗傳腫

上日三五度即差

乳癰

論曰足陽明之脉自缺盆下於乳又衝脉者起於氣衝並足陽明之經夾臍上行至胸中而散蓋婦人以衝任為本

若失於將理衝任不和陽明經熱或為風邪所客則氣壅不散結聚乳間或硬或腫疼痛有核皮膚焮腫寒熱往來謂之乳癰然風多則腫硬色白熱多則腫焮色赤若不即治血不流通氣為留滯與乳內津液相搏腐化為膿然此疾產後多有者以衝任之經脈上為乳汁下為月水新產之人乳脈正行若不自乳兒乳汁蓄結氣血蘊積即為乳癰又有因乳子汗出露風邪氣外客入於乳內氣留不行傳而為熱則乳脈壅滯氣不疏通蓄結成膿疼痛不可忍世謂吹乳速宜下其乳汁導其壅塞散其風熱則病可愈

黃芩飲方 治乳癰初覺赤腫有異於常

黃芩 甘草炙令黃 桑上寄生炙 麥門冬 赤芍藥

防風 黃耆炒各一兩 木通一兩半 右八味搗篩每服三

錢入棗三枚同煎再入乳糖一分更煎令消溫服日

三早晨日午夜臥各一服

鯪魚甲散方 治乳癰疼痛結硬不可忍

鯪魚甲燒灰一兩 栝樓一枚燒灰

二味研和為散每服二錢空心用葱調酒下

牡蠣散方 治乳癰初發腫痛結硬欲成膿令一服差

牡蠣

取腦頭厚處生用

一味細研為散每服三錢研澱花冷

酒調下如癰成潰者以藥末傅之仍更服藥一日三服

樺皮散方

治乳癰初發腫痛結硬欲成膿一服差

以北來真樺皮燒灰酒服方寸匕就病乳處卧及覺已差

甘草飲方

治乳腫痛慮作癰毒

甘草

半炙令赤黃半生用

栝樓

一枚去皮取瓢

二味先以酒二盞煎

甘草至一盞入栝樓瓢同絞和勻濾去滓溫頓服未差更作服之

丹參膏方

治乳癰疼痛

丹參

白芷

芍藥

炒各二兩

三味以苦酒浸經一宿又

取猪脂半斤微火上同煎之令白芷黃其膏成去滓以膏塗癰腫處差

乳香塗方

治乳癰

乳香

一兩為末

丹砂

半兩研末

葱白

三兩切

三味先研葱令

細入二物末再研令勻塗傅乳上乾即易之

治乳癰結硬疼痛方

泥和芥菜

半斤

一味剉碎以水四升煮取二升傾於瓷

瓶內熏乳腫處日三五度即差

治乳癰結硬疼痛方

和泥葱斤半

一味細剉以水四升煮十數沸于瓷瓶子

內盛熏乳腫處冷即再煖以差為度

連翹湯方 治吹乳乳癰

連翹

瞿麥穗各一兩

升麻

生乾地黄

芍藥

各三分

甘草炙一分

射干半兩

玄參三分

右八味細剉如麻豆大每五錢水煎溫服食後

腸癰

論曰腸癰為病其身甲錯皮膚急按之濡如腫狀腹無積聚身無熱或惡寒自汗其脉遲緊者膿未成可下之當有血脉洪數者膿已成不可下也

牡丹皮湯 治腸癰

牡丹皮一兩

芍藥

生乾地黄

丹參

各二兩

桔梗

炒

麥門冬

去心

薏仁

各一兩半

赤茯苓

甘草

炙

敗醬

各一兩

右十味搗篩為粗末每服用藥五錢入生薑五片

同煎空心日晚溫服

附子湯方 治腸癰

附子去皮

敗醬各三分

薏苡仁一兩

右三味咬咀

如麻豆大每服三錢水煎空心日晚溫服下膿血即差

大黃牡丹湯方 治腸癰

大黃炒

牡丹皮各二兩

桃仁湯浸去皮尖

芒硝研

冬瓜仁三合

右五味搗篩粗末每服用五錢白水煎空心溫服以利下膿血為度

薏苡仁湯方 治腸癰

薏苡仁一兩

牡丹皮

桃仁湯浸去皮尖

瓜子仁半兩

右四味搗篩每服五錢水煎空心日晚溫服

胃脘癰

論曰內經謂人病胃脘癰者當候胃脉其脉沉細者氣逆氣逆者人迎甚盛甚盛則熱人迎者胃脉也逆而盛則聚於胃口而不行故胃脘為癰也夫陰陽升降則榮衛流通氣逆而隔則雷結為癰胃脘癰者由寒氣隔陽熱聚胃口寒熱不調故血肉腐壞以氣逆於胃故胃脉沉細以陽氣不得下通故人迎甚盛令人寒熱如瘧身皮甲錯或咳或嘔或吐膿血觀伏梁之病亦有俠胃脘內癰者以其暴大

膿血居腸胃之外故也

射干湯方 治榮衛不流熱聚胃口血肉腐壞胃脘成癰

射干去毛 梔子仁 赤茯苓 升麻各一兩 赤芍藥

白朮各一兩半 右六味咬咀如麻豆大每五錢水煎入生

地黃汁一合再煎三沸溫服不拘時候日二服

麥門冬湯方 治熱氣留聚胃脘內結成癰

麥門冬 犀角 萎蕤 薺芩 赤芍藥 石膏各一兩半

甘草炙 紫雪各一兩 右八味搗篩每服五錢水煎入

竹瀝一合再煎二三沸溫服

芍藥湯方 治胃脘蓄熱結聚成癰

赤芍藥 犀角 木通 石膏 升麻各二兩

甘草生 朴硝 玄參 麥門冬各一兩去心

右九味搗篩每服五錢水煎溫服不計時候

附骨疽

論曰附骨疽者由風入骨解與熱相搏復冷溼所折風熱伏結不得發散蘊積成毒故附骨而為疽喜發於大節解間按之應骨皮肉微急隱在肌而不外見是也治之宜急稍緩則膿不得潰而肢體變青黯者不可治也

漏蘆湯方 治附骨疽

漏蘆去蘆頭

升麻 連翹

麻黃去根節 各一兩

防己三分

大黃炒兩半

木香 白斂

沉香各三分

右九味搗篩每服五錢入竹葉七片同煎更入芒硝一錢攪勻空心溫服取利三兩行為度未利再服

敗醬湯方 治附骨疽

敗醬二兩

大黃炒一兩

桃仁二兩

三味搗篩每服五錢

先取皂莢刺一兩剉碎以水二盞煎至一盞半漉出下藥及朴硝一錢同煎空心溫服

內消小豆散方 治附骨疽

赤小豆一合

糯米炒黑 五合

二味為散水調如糊塗攤故

帛上貼乾即易之

瘡腫門

諸瘡 諸惡瘡 反花瘡

諸瘡

論曰諸瘡皆緣風溼熱毒之氣種類甚多載之方書備矣然有俗名瘡本論未見採錄考之皆不離于邪氣逆肉理害肌膚者今隨症以治法附之雖田野下俚取而用之判

然可曉不必泥于誦襲也

露蜂房散 治頭面上無名瘡黃水不止

露蜂房 蛇蛻 各燒灰等分入膩粉少許拌勻麻油
和傳

黃香餅 治鬚毛瘡在頭上初生如葡萄痛不止

川鬱金五錢 川栢一兩 乳香一分

共末桃花水和作餅貼之

龍骨散 治髮際瘡初生如粟米大或痒或痛

白龍骨 胡粉 烏賊魚骨去甲五錢 鉛丹炒紫五錢

共研用鹽湯洗過貼之日二三次

海帶散 治緣唇上瘡

海帶 焙乾為末臨臥貼上二三宿即差

白龍散 治眼睛漏瘡目大眦出膿汁有孔子

龍腦 馬牙硝五錢 菜豆粉一錢

研極細用燈心蘸藥點之日四五

井中苔散 治徹耳瘡

井中苔 土馬驤等分 焙乾共末麻油和傳患十日二

馬齒莧塗 治唇緊面腫

馬齒莧 去根洗淨搗取汁塗之冬月用末水和塗

麝香散 治鼻疔瘡侵蝕鼻柱

麝香 研 草烏 燒灰 三錢 共研勻乾摻日二三

百合散 治頤頰瘡一名獨骨瘡

百合 川栢 白芨 兩 蓖麻子 五十粒

共研用朴硝水和作餅貼瘡上日三五次

紅粉散 治粉鈴瘡繞頸項赤爛多汁

密陀僧 煨 白龍骨 煨五錢 胡粉 二錢 鉛丹 炒紫一錢

共研油和塗日三

芙蓉傳 治腮腫痛或破或瘡

芙蓉葉 取生者爛搗如泥傳之帛繫一日換

敗蹄散 治天柱瘡生脊大椎上如錢大赤色出黃汁不

止

驢蹄 刀削二十片燒炒 胡粉 熬一分 麝香 少許

共研未破用米醋麩糊和成膏塗上已破乾摻日二

諸惡瘡

論曰內經云諸瘡瘍皆屬心諸溼腫皆屬脾蓋心主血脾主肉也由體虛受風溼邪毒與氣血相搏故發瘡也甚者

聖濟總錄卷之二十一
癩腫滿痛潰而多汁或形體爲之壯熱稍緩不治則毒氣
內攻難以療也

麝香散 治一切惡瘡久不差

麝香

常門子
二枚

丁香

木香

紫檀香

一分

乳香

沒藥

炙五
錢

共末用雞子清和勻入殼內飯上蒸熟晒
乾研分六服茶飲下日二

膩粉乳香散 治一切惡瘡久不差者

膩粉

二錢

乳香

一錢

葱白

一根
煨熟

共搗爛攤帛上貼之三日一易差

二黃散 治一切不測惡瘡年深不愈

大黃

川連

山梔

白芨

青黛

連翹

五錢

共末水和塗

白香散 治一切惡瘡久不差

楓香脂

膩粉

防風

一分

共研末用甘草水洗過傳上痛立止

蛇床子散 治一切惡瘡久不差

蛇牀子

膩粉

硫黃

一分

共末用麻油和傳日二

反花瘡

論曰瘡生惡肉久則反出瘡外故名曰反花瘡其初如飯粟破之血出餘毒尚熾惡肉隨生根深而膿潰皆風熱毒氣所作

甘草塗 治反花瘡

甘草 半生半炒 白枯礬 人中白 煨 蜜陀僧 煨五錢

共研為細末用童便慢熬成膏煎葱椒水洗過傳上日三五次差

胭脂塗 同上

胭脂 一兩 胡粉 兩半 共研勻以鹽湯洗過乾塗日三次差

藜蘆傳 同上

藜蘆 研為細末 雄猪脂 一兩 化猪脂入末和成膏塗患上

日三五次

桤槐煎 同上

桤枝葉 槐枝葉 細剉各二升用水五升煎減半去

滓煎如稠飭塗患上日三五

浸淫瘡 下注瘡 冷瘡 月蝕瘡

浸淫瘡

論曰心惡熱若風熱蘊于心經則神志躁鬱氣血鼓作發

于肌膚而為浸淫瘡也其狀初生甚微痒痛汁出漸以周體若水之浸漬淫泆不止故名曰浸淫其瘡自內而出流散四肢者輕以毒氣外出故也從四肢反入于內則重以毒氣內入故也

升麻湯 治心有風熱淫瘡偏體

升麻 大黃 片苓 白芍 枳實兩一 甘草

川歸錢五 水煎五錢入燈心一把空心溫服日二

鯽魚塗 治瘡癰浸淫

生鯽魚三四寸長者一尾 香豉一合 搗極爛塗瘡上日二易

雄雞冠血塗 忽得浸淫瘡不早治遶身周匝則能殺人

雄雞冠血性烈雄大者 用針活取血塗瘡日三五次即差

燕窠傳 治浸淫瘡久不差

胡燕窠 取向東方者為細末用葱椒水洗過傳瘡上

日二三效

苦棟根傳 同上

苦棟根及皮 燒灰研細用猪脂和傳瘡上日二三

下注瘡

論曰足三陰之脉脾腎肝之經也并起于足大小指之內

循足跗內踝前上膝脛中若風溼毒氣乘之則榮衛枯澁
稽留不行氣脉下注于脚膝脛間故令皮膚腫軟結核成
瘡膿水不絕綿歷年歲愈而復發以毒氣自上而下如水
之注故名曰下注瘡

枳殼丸 治毒氣下注脚膝脛皆瘡

枳殼 去白炒 二兩

懷生地

五加皮

防風

二兩

羌活

一兩

黃芪

三兩

共末入蜜杵丸如梧桐子大空心酒下二三

十九日二

蚯蚓泥散 治下注瘡久不差

蚯蚓泥

韭菜地上燒 赤研一兩

膩粉

一分

麝香

五分

共末用葱湯洗過乾傅

白黃散 同上

白枯礬

一分

川連

五錢

膩粉

一錢

共研勻以雞子白和塗患上日二

鯽魚散 同上

鯽魚

去鱗腸一尾 三四寸大

川連

五錢

鉛丹

胡粉

蜜陀僧

煨赤研 一錢

共末入魚肚內纏扎用泥固濟燒赤出火毒研

末入猪膽汁和傅日二 此方亦治惡毒瘡

蒜灰散 治一切惡毒風溼瘡下注血氣冷新肉不生者

蒜大者百頭

去衣根苗切片暴乾入小鐵鍋內淨盆蓋之

用鹽泥封固不令透氣以火鍊成灰出火毒研細乾

傳瘡上日二此治冷惡瘡最妙若熱毒惡瘡不可傳

傳之肉反爛開故也

冷瘡

論曰形不足者溫之以氣氣能養形故也周官瘍醫掌腫瘍潰瘍金瘍折瘍有五氣養之法蓋以氣不足則血不行血不行則經久不差所謂冷瘡是也蓋諸瘡既潰風冷之

氣客于榮衛傷於肌肉故令瘡冷而不痛痒俗謂之冷瘦治宜溫肌養心瀦瘀除膿則愈

二黃散 治冷瘡不愈

雄黃 雌黃 定粉 膩粉 蜜陀僧一兩 乳香灸一兩

共研末入生蜜和傳日二

葱白湯蒸法 治一切瘡風冷腫痛皆因瘡腫坐于水中

及風所致若腫脹入腹則能殺人

葱白 薤白半斤 川椒 香豆二合 川芎一兩 防風二兩

共粗搗用長瓷瓶內藥入水三升以故帛紙數層封

口緊縛重湯煮熟取孔通氣以瘡當氣口上射之令瘡出黃水盡即止日二次

月蝕瘡

論日月蝕瘡小兒多有之蓋由嗜肥甘榮衛不清風溼毒熱之氣蘊積腑臟其瘡多生于兩耳及鼻面間并下部諸孔竅側侵蝕之甚則潰爛黃赤汁流達于筋骨月初則瘡盛月晦則瘡衰以其隨月盈虛故名之月蝕瘡或謂小兒以手指月而生未必盡然

水銀膏 治月蝕瘡多在耳上及竅傍隨月盈虛者

水銀分一

胡粉與銀研不見星

松脂 川連末錢五

猪脂四兩

熬脂化香去滓再熬入銀粉攪勻以鹽湯洗過傳瘡

上日二三

酥粉塗 治月蝕瘡

蟾酥錢五

胡粉兩一

共研塗瘡上日二三

又方 治卒得月蝕瘡

地龍尿 猪脂 和塗患上日三次差

凍爛腫瘡

癩瘡

漆瘡

湯火

凍腫瘡

論曰經絡氣血得熱則淖澤得寒則凝滯冬月嚴寒氣血
凝聚不流則皮肉不溫音凍厥赤痛腫而成瘡輕則潰
爛重則損壞肢節也

白歛散 治大人小兒凍手皴裂成瘡

白歛末三分 白芨末五錢 油麻二合 萊菔子二合

同爛研酒和塗日二

猪懸蹄膏 治手足凍瘡血出痛苦者

猪後懸蹄 夜半時燒灰存性研末以猪脂和膏成傅

上日二

雞腦膏 治凍面耳并手足凍瘡年年發者先痒後痛腫

破黃水及血出不止

雞腦雄者一枚搗 黃蠟同上 麻油減半

慢火熬去滓收成膏塗傅日二三

羊肉湯洗 治凍瘡腫痒

羊肉 葱白半斤 用水煮取汁頻洗日二三差

川椒湯 治寒凍面目手足肉裂

川椒炒 白芷 防風 食鹽一分 川芎三分

水煎頻洗湯冷煖之

尸脚方 治人足在冬月常裂名曰尸脚

雞屎炒一升 用水三升煮五沸去滓漬洗足裂處冷卽

易之以差為度

牛膠散 治寒凍足跟破裂出血疼痛

牛皮膠 燒灰研末津唾和塗

癩瘡 今之膿窠瘡

論曰癩瘡者疥瘡之類由風熱溼毒客搏于皮膚之間變
化生蟲其狀生于皮肉之處手足尤甚赤根白頭相對並
生狀如小豆或若茱萸子浸淫痒痛抓之汁出折裂成瘡

此蓋脾肺壅滯風溼乘之與熱相搏結聚而成治宜疏滌
于內傳藥于外并淋洗之類次第以治

藜蘆膏 治癩瘡經久蟲出

藜蘆 枯礬 松脂 雄黃二兩 苦參兩半 猪脂半斤

共研末用脂熬末攪勻塗瘡上日二

胡粉膏 治癩瘡經久不差

胡粉三兩 水銀二兩 皂莢十挺水浸搽取汁一斤

慢火熬汁五合入銀粉攪勻塗瘡上日二

雄黃膏 同上

明雄黃 川連一兩 片苓 明松脂二兩 亂髮灰一分

雄豬脂六兩 用脂熬令髮盡去渣入末攪勻塗患上

蝦蟇灰塗 治溼癩瘡

乾蝦蟇一隻燒 髮灰各等分 豬脂和塗日二

漆瘡

論曰漆雖有毒性有所畏毒即中之亦有氣適然相近者凡中毒輕痒始于面而胸臂胫膈應之頭面腫起赤延于目搔之隨手生瘡癩已而細瘡如粟重則徧身作瘡小如麻豆大若桃李紅赤腫焮異常痛楚旋差旋發如火熯之

狀是也

鐵漿飲 治漆瘡

鐵漿 用密絹濾過隨量飲之即差

又方 同上

桺葉生者三斤 用水一斗煮汁頻洗差

芒硝湯淋洗 同上

芒硝五兩研 用滾湯入硝浸洗日三次差

又方 同上

豬脂 熬化頻塗瘡上

蟹黃塗 治漆瘡焮腫痛楚

生蟹黃 用之頻塗瘡上乾即易之

雞子黃塗 同上

雞子 取黃頻塗乾易差

四和膏 治漆瘡徧身焮赤腫痛

麻油 二兩 松脂 二兩 桂心 末 黃蠟 一兩 用油化脂蠟入

桂末和塗

川椒湯 治漆瘡

川椒 水煎湯頻洗之差

湯火瘡

論曰水火之氣當因其勢而利導之夫湯火所傷毒熱方熾通導而洩其氣可也苟救目前痛楚遽以冷物淋搨則熱毒寒氣內搏致有爛骨傷筋之患非熱氣本然也湯火之傷本非氣血所生病故治不及于湯液特在乎塗傳膏汗專治其外而已

清涼膏 治湯火傷

生山藥 洗淨去皮爛研知膏傳瘡上痛立刻即止且

無癢痕

雞黃塗 同上

雞子黃 將雞子煮熟用黃慢炒取油入膩粉攪勻傳上無癢痕

戊巳散 治湯火瘡大熱腫痛

乾牛糞 燒灰存性為末用生麻油和塗日二次差

又方 同上

好米醋 用醋傾淨土上取醋泥傳之日二次立刻止痛無癢痕

又方 同上

側柏葉 將葉燒灰存性羅過用生蜜和塗日二三差

聖濟總錄纂要卷二十一終

聖濟總錄纂要

卷之二十一

新安

程

林雲來

纂

張

湖山來

戴

會亦魯

較

錢塘

胡爾槐植三

瘡腫門

丁腫

諸疥

諸癬

代指

即天蛇頭

丹毒

疔瘡

肉刺

即雞眼睛

丁腫

論曰丁腫者由風邪毒氣入于肌肉所生也凡有十種一者瘡頭烏而強凹二者瘡頭白而腫實三者瘡如堊塗色四者瘡似葩紅色五者瘡頭內有黑六者瘡頭赤紅而浮虛七者瘡頭葩而黃八者瘡頭如金箔色九者瘡頭如茱萸十者瘡頭如石榴子亦有初如風疹搔破青黃汁赤裏有赤黑脉而小腫亦有全不令人知忽衣觸手摸着則痛若故取便不知處亦有肉突起如魚眼之狀赤黑疼痛徹骨久結皆變至爛瘡瘡下深孔如火針穿之狀初作時突起如丁蓋故名丁瘡令人惡寒四肢強痛三日瘡變焦黑

腫大光起根硬不可近犯之則痛徹骨其發于手足頭面骨節間為氣血所會尤宜速治不然毒氣入腹煩悶恍惚如醉人治無所施矣

丁腫方

河東柳宗元偶病丁瘡凡四十日他藥治之莫效長樂賈宣伯教用蠅螂心貼之一夕而穴百苦皆已次年春因食鵝羊肉丁又大作再用之亦如神效按蠅螂在腹下度取之其肉稍白者是也以此貼瘡半日許可穴再易之血盡根出而愈矣

巴豆塗 治丁瘡乃日本國傳來者

巴豆十粒 半夏一枚 附子半枚 蠅螂一枚 各為末以人

糞相和看大小瘡作紙圈子圍瘡口以藥傳上用絹

貼之一日三易

地骨皮散 同上

地骨皮五錢 小麥 大麻子各十粒 緋帛五寸

亂髮卵大 半夏七枚 曲頭棘刺二十枚 燒灰即棘

用骨皮半夏為末與各灰同研勻酒下二錢日二

乾薑胡椒傳 治一切丁腫惡毒

乾薑 胡椒炒 龍骨 皂莢去皮 斑猫去翅足

共末用酒和如膏貼上日二

諸疥

論曰字書以疥有介守之義言雖微小介然守形體而難治是以疥有五名皆因風熱邪氣客于皮膚之間久則化為蟲時作痛痒故作為瘡腫焮赤痛痒者謂之大疥皮內引起結根搔之不痛謂之馬疥瘙痒皮起謂之乾疥三者為重以風溼熱氣深在肌肉故也若水疥痞癩如癩漿溼疥瘡小而汁出特風熱淫於皮膚之間故淺而輕俱風熱

之客故皆有蟲或謂蟻蟲內出理或然也治宜疏風滌熱當以薰浴傳塗湯液並施則善

苦參散 治身癩疥風毒癢

苦參

白花蛇

酒浸去皮骨炙

川連

川歸

三兩

人參

玄參

丹參

白芍

防風

五錢

白蒺藜

炒去刺一兩

共末酒下二錢

快肌丸

治徧身癩疥癢

威靈僊

三兩為末

雄猪膽

三枚

用膽汁和末丸梧子大荆芥湯下二十九

芥湯下二十九

防風丸

治一切風疥癩癬皮膚癢痒癩疹

防風

蟬脫

猪牙皂

炙去皮二兩

天麻

三兩

共末用精

羊肉煮極爛以酒熬成膏丸梧子大用荆芥酒下三

十九日二

苦參丸

治一切疥瘡

苦參

玄參

山梔

獨活

二兩

甘菊

防風

大黃

炒香熟

片苓

枳殼

一兩

川連

兩半

共末蜜丸梧子大酒下二十九日二

五參散

治諸疥風虛惡瘡

人參 玄參 丹參 沙參 苦參 秦艽 白茯苓

炒 山藥 子芩 防風 麻黃去根 獨活 茯神

細辛五錢 山梔 枳殼三分 烏蛇肉酒炙 一兩

共末水下三錢日二

雞子油塗 治一切惡疥瘡

雞子七枚煮熟用 黃慢炒取油 膩粉 髮灰 枯礬一分 石硫黃

五錢 共研入油和勻塗上日三五次差

諸癬

論曰癬之字從鮮言始發于微鮮縱而弗治則浸淫滋蔓

其病得之風溼客于腠理搏于肌肉否澁久則因風溼而變化生蟲故風多于溼則為乾癬但有周郭皮枯瘙痒搔之皮起白屑者是也溼多于風則為溼癬周郭中如蟲行浸淫赤溼搔痒汁出是也風搏于氣血則為風癬癬痺不痛痒是也如錢形則為圓癬如雀目則為雀目癬亦皆赤痛而瘙痒又或牛犬所飲之水刀刃磨淬之漿取以盥濯毒氣傳人亦能生癬故得于牛毒者狀似牛皮于諸癬中最為痛厚乃邪毒之甚者俗呼為牛皮癬狗癬白點而連綴刀癬縱斜無定形凡此八者皆風溼毒氣搏于肌中故

痛痒不已久而不差又謂之大癬

苦參丸 治一切風癬皮膚瘙痒

苦參 烏蛇肉炙四兩 石菖蒲二兩

共末入蜜丸梧子大酒下二三十九

丁香散傳

丁香 蝦蟆灰一兩 麝香一分 枯礬 五倍子

膩粉研五錢 各末研勻傳上

一抹散 治乾癬

天南星 草烏頭各一枚生為末 川羊蹄根搗取自然汁調

塗三日差

狼牙丹砂膏 治一切乾溼諸癬

狼牙 丹砂 枯礬 雷丸 雄黃 藜蘆 硫黃一兩

共末入猪脂和成膏日塗三五次

代指即大蛇頭

論曰瘡發指端爪甲脫落名曰代指蓋爪者筋之餘筋骨熱盛注于指端故其指先腫赤熱焮痛結聚成膿甚則爪甲脫落世俗謂之遭指又名淪指又名代甲其實此病類于指疽然無蘊毒故色不黯黑即病雖久亦不殺人也

漏蘆湯 治代指筋骨臟腑中熱焮赤腫痛

漏蘆 升麻 子芩 大黃炒一兩 玄參三分

水煎五錢入淡竹葉二七片煎減半去滓入芒硝一錢再二三沸溫服日二已利去芒硝

地龍散 治代指

地龍 去泥土上炙為末用猪脂和塗患上日二

升麻湯浸 治代指雖內無蘊毒然筋骨中熱氣壅盛

升麻 生甘草兩 用水煎去滓入芒硝末一兩攪勻

浸指數十次

此頭疔瘡痛不可忍臭不可聞 蜈蚣一條焙乾為末猪

膽汁調 又用黑豆生研末入繭內籠之

醬蜜塗 治代指不結靨

醬汁 白蜜 二味和煎令沸稍熱塗上日三五次

熱湯蘸 治代指為五臟氣流注十二經毒熱冲于手指

熱湯 急蘸五七次冷水浸之又復如此三度便塗羊

膽汁差未成膿者用此方甚效或以猪膽盛代指用

線扎之亦妙

諸丹毒

聖濟總錄卷之二十一
論曰熱毒之氣暴發于皮膚間不得外洩則蓄熱為丹毒以其色如塗丹之赤又復陽氣伏于皮膚中故謂之丹因熱氣慄悍其發無常處大則如掌甚則周流四肢若不急治或壞爛出膿血若發于骨節之間則以藥斷截毒氣入腹則能殺人治法用鎌割明不可緩故也

漏蘆湯 治丹毒遊走

漏蘆 升麻 白芍 子苓 白斂 白薇

麻黃去根節 甘草 大黃一兩 水煎五錢溫服日二

赤小豆塗 治丹毒如掌大身赤腫痛痒

赤小豆 為細末以雞子白和如膏塗患處日二

吳藍湯搨 治丹毒

吳藍 升麻 石羔 片苓 白斂 犀角一兩

生地三分 山梔 大黃五錢 水煎一兩入竹瀝浸搨

羚羊角塗 治赤黑丹毒

羚羊角燒灰 研細以雞子白和如膏塗患上日二次差

鹿角散塗 治赤黑丹

鹿角 燒灰存性研末入熟豬脂和塗日二

癩瘡

論曰內經謂汗出見溼乃生瘰癧蓋熱盛汗出陽氣發泄而腠理疎反以寒水洗浴則熱氣內鬱於皮膚之間輕則為癩重則為瘰也世俗通謂之癩子其狀皮肉如毫針所刺徧體細瘡如麩片愈而復發是也

葛粉傳 治癩子

葛粉三兩 生甘草一兩 風化石灰微炒五錢 共研撲之

活石豆粉傳 治癩子

活石飛過 菜豆粉 棗木葉 共研末傳之日三

乾壁土傳 治暑月肌膚瘡爛或因搔成瘡者

陳乾壁土取向東方者 研細傳之日三四次隨手即愈

肉刺

論曰肉刺者生于足指間形如鞭胝與肉相附隱痛成刺由靴履急穿相摩而成名為肉刺俗呼為雞眼睛是也

膠脂膏貼 治肉刺

栢木上白膠 明松脂一兩 黃蠟五錢

將膠脂熬化入蠟成膏貼之

酥粉傳 治肉刺

蟬酥自取者 膩粉一錢 將酥浸溼入粉研勻用鍼撥破

塗上蜜裹日二

礪砂傳 同上

礪砂 用醋化熬成霜以少許和膠傳之其根即出

金瘡門

金瘡血不止 金刃傷中筋骨

金瘡中風水瘻 金刃腸出

金瘡血不止

論曰血行脉中周行灌溉而無窮已金刃所傷深則其流湍激若海洩河決禦之至難要在杜其冲溢之勢外觀其

形內訂其脉之何如若血出不斷其脉大而止者為難治若血出不止前赤後黑或黃或白肌肉腐爛寒冷鞞急者為難治不可不察也

麻黃散 治金瘡止血悶疼痛

麻黃兩半 白芷 附子 白芍 川歸 續斷

乾薑 炙甘草 子芩 川芎 桂心五錢

共末酒下二錢日二

天南星散 治刀刃所傷血出不止

天南星三枚 鉛丹炒紫一錢 共末研勻乾貼患上日二

金瘡血不

刀箭方 治血出不止

石灰 遠年者一兩

鉛丹 炒三分

龍骨

狗腦骨 燒五錢

共末傳上日二

風化散 治金瘡止血定痛

風化石灰 斤一

乾薑 三分

生栗子

白藥 五兩

午日共末以備急用

石榴花散 同上

石榴花 乾者五錢

石灰 炒升半

共末用少許傳上少刻斷

血止痛

蒲黃散 治金瘡血出腹脹欲死

蒲黃

生地黄 兩半

川芎

白芷

川歸

黃芪

續斷 一兩

甘草 三分

共末空心酒下三錢令腹中死血

化為水日三若口噤用物幹開灌之加大黃兩半

金刃傷中筋骨

論曰金刃所中至于筋骨其所傷深矣然接骨絕筋亦可
接續要在乘血氣未寒急施治法若不乘熱則風冷易入
瘡縱暫愈後必不仁亦致痛煩而終身不完至于小碎之
骨即當出之不爾則膿血不絕肌肉亦不能收斂矣

骨碎補丸 治一切金刃傷中筋骨風冷所入疼痛

骨碎補三兩 山藥 附子 虎骨炙 桂心 白檳榔

自然銅醋淬七次 熟地 敗龜板醋炙 白薇 山萸肉

澤蘭葉一兩 五味子 川歸 乾薑五錢 肉蔻二枚

肉蓯蓉三分 其末入蜜杵丸如梧子大酒下二三十九

日二

金瘡中風水及瘰

論曰金瘡中風水者以封固不密所致也夫中風之候其倉卒無汁中水之候則出青黃汁而又疼痛發熱內腫硬

時為瘰狀可急治之凡瘰狀口急背直搖頭馬鳴腰為反

折須臾十發氣息如絕汗出如雨治不可緩緩則不能救療

熟地丸 治遠年傷折忽因風氣于舊處痛不可忍

懷熟地四兩 杏仁去皮尖炒 牛膝兩半 黃芪 苦參

兔絲子酒煮 肉蓯蓉 草薺炒一兩 升麻 桂心三分

青木香一分 訶勒皮五錢

共末入蜜丸梧子大酒下二三十九日二

雞屎白豆酒 治金瘡中風反張者

雞屎白合 大豆合 先以豆炒焦黑入屎白同炒熟

又以瓶貯酒三升乘熱豆傾酒中蓋良久去滓服五合少頃又服取汗出飲酒後以薑粥助之

羌活飲 治金瘡并傷折骨諸瘡腫慎不可當風臥溼地取涼若風溼所傷則發瘰口噤殺人若覺頸項強身拘急便服

羌活 一兩 竹瀝 三鍾 用水煎羌活減半去滓人瀝再沸分三服

川椒罨 治金瘡中風

川椒 生用 三兩 看瘡大小用麪作餛飩灰火中炮熟乘熱

開一孔當瘡上罨之劫引風出多做候換數次差

川芎湯 治金瘡中風痛不可忍

川芎 防風 羌活 川歸 一兩 炙甘草 三分

水煎六錢熱服取汗如汗不出加麻黃一兩桂心三分湯成入竹瀝沸服日二

鹽韭傳 治金瘡中風水腫

韭白 食鹽 等分 共搗爛放瘡上以火炙藥上熱徹愈

又方

鹿角 燒灰存性研末用猪脂和塗日二差

金瘡腸出

論曰金刃所傷有腸出者有腸出已斷者視其輕重以決死生腸有一頭見者不可續也若腹痛不可忍短氣不能食近則一日遠則三日治無及矣腸有兩頭見者速以桑白皮按作線或以麻縷續之仍用雞白塗隙勿令氣洩推內之密縫瘡口用雄雞血塗之腸有出而不斷者以大麥汁洗而內之亦如前法須研米粥飲二十餘日強糜百日方可食飯又不可令飽恐其腸斷仍常以湯散助之

磁石散 治金瘡腸出宜入之

磁石

醃滓七次

滑石

飛過等分

同研酒下一錢日三及以針

砂塗腸上其腸自收入而無害

小麥飲噴腸方 治金瘡腸出不能入

小麥

三升

用水九升煮汁五升以綿濾過候冷含噴瘡

上漸入以冷水噴其背不令病人知亦不可使傍人語卒然急噴其腸自入不可食飽勿使病人驚恐恐驚則殺人難治

毒箭所傷

箭鏃金刃入肉

狐尿刺

惡刺

竹木刺傷肌肉不出

毒箭所傷

論曰箭鎗毒藥入皮膚肌肉間令人短氣悶絕口噤唇乾血雖止而腹滿不能言其人如醉者為難治若瘀血應時出其瘡溫而熱開口能言則可治巢氏論毒箭有三種曰嶺南夷俚人用焦銅作箭鏃其嶺北諸處以蛇毒螫物汁著管中漬箭鏃及有以苗藥為之者三種傷人皆不易治唯急飲糞汁可以禦其毒少緩則毒氣深入不可救也慎之慎之

半夏飲

治毒箭所傷箭鏃毒藥在內不出

半夏

三兩用生薑二斤取汁浸三日

白斂

三兩

同炒為末酒下一錢

日三瘡淺十日出瘡深二十日方出

雄黃塗

治毒箭所傷

明雄黃

研極細傅瘡上日四五汁出愈

此方治毒

蛇蜈蚣咬亦妙

生薑飲

治中毒箭

生薑

取自然汁飲五分未退再飲

一方用甘草煎

汁頻飲

旋復根散

治中毒箭

旋復根 為末酒下二錢日三仍傳瘡上無根用花

論曰凡箭鏃金刃入肉治宜速出內有碎骨亦須去盡然後傳藥不然其瘡必不合縱然少愈亦常作疼痛若神驚血亂氣奪則死無救

丹皮散 治金瘡箭頭在骨多年不出

丹皮 白斂一兩 丁香 麝香 藿香 桑白皮一分

共末溫酒下二錢淺者十日深者二十日箭頭自出

又方 同上

磁石生研極細 明雄黃三分 同研勻用菘豆煮汁下一錢

十日後輕撥便出手足上用此末點之亦自出

紅散子 治中箭頭用之摩瘡口上

蔓陀羅子 草烏 茄子花 蓖麻子 麒麟竭五錢

共末以好酒和調塗摩瘡上箭頭自出

解骨丸 治箭鏃不出能令自出

明雄黃 象牙末 蟻螂一兩 共末入蜜杵丸黍米大

用一丸內瘡中以細膩羊腎脂貼之箭頭自出

鼠肝傳 治箭頭不出

鼠肝

五枚

研如泥傅之兼以鼠腦髓塗之良亦治針折肉中塗之白出

象屑塗

治箭頭不出

象牙屑

研末用蜜和塗瘡上并折針竹木刺皆出

狐尿刺

論曰狐尿刺者乃狐狸尿草棘上人有悞犯則發腫痛焮熱多在于手足指節然亦有端居不出而被此毒者蓋毒氣有相類之症亦不因狐狸尿乃爾也

白歛膏

治犯狐尿久不差

白歛

羊屎

括蕒根

五錢

共搗如膏裹瘡上一伏時其刺自出

大豉傅

治狐尿刺在手足指節間腫痛

大豉

一兩

細嚼熟傅之少頃取下看豉中有毛效如不見毛又嚼傅之以毛出為度

桂心黃蠟丸

治一切惡刺入肉者

桂心

研末用黃蠟化丸看瘡口大小置丸瘡內以溼紙三五重搭蓋以火燻候丸化入肉其刺自出如無刺其傷處亦平也

獨栗塗 治惡刺不出

獨顛栗 去衣嚼如泥塗瘡上帛裹半日有刺自出

惡刺

論曰惡刺初得以蛇虺毒氣經由草木水澤間有人染着忽似刺割俄致腫痛其肉潰爛若手足上着注即指節墮落土人諳歷既多初覺中刺時以艾灸數十壯十愈八九灸弗愈者速以下藥塗傳

葱白蒲公英膏 治中一切惡刺

葱白

一把

蒲公英

五兩

大豉

一分

共爛搗塗瘡上外用醋麩紙封自出

木蟲塗 治惡刺

木中蟲

五枚

用米醋和研如泥封之差

黑豆汁漬 同上

黑豆

一升

用水煮取濃汁頻頻漬之差

竹木刺傷肌肉不出

論曰竹木刺所傷為患甚淺然入人肌肉久不得出則損動榮衛而作瘡或中風水則腫痛若成膿淹留歲月未易治也但刺傷之初宜速治之加以塗傳無致風水之患

羊屎傳 治竹木刺

羊屎 炙乾為末用猪脂和傳日三五上經宿白出

象牙散傳 治竹木刺并鍼折不出

象牙屑 為末以雄鼠腦髓和傳上立出

糯米膏 治金瘡水毒癰疽熱毒竹木等刺

糯米升三 於端午日前四十九日以冷水浸之日二換

水輕淘至午日午時曝乾挂風處凡遇患用少許炒焦為末水和成膏塗瘡口帛縛候瘡愈解去若金瘡慢犯生水作膿腫甚者急用此膏塗之良久其腫處

即消若癰疽毒瘡初發纔覺焮腫痛并痒惡等症用此末貼項下及腫處若竹木蠶刺入肉者臨臥時貼之明日揭看其刺自出在藥內若貼腫毒藥乾即換之須常令溼為妙唯金瘡及水毒切不可換恐傷動瘡口

痔瘻門

諸痔 牡痔 牝痔 脉痔 血痔

腸痔 氣痔 痔瘻 腸風下血

諸痔

論曰痔有五名一曰牡痔二曰牝痔三曰脉痔四曰腸痔
五日血痔症雖小異大率皆飲食飽甚情慾過度之所致
也夫飲食飽則腸胃傷情慾過則氣血耗毒氣乘虛流入
下部所以滯積而為痔也

如神丸 治腸風五痔

烏蛇肉

酒炙

防風

大黃

煨二兩

枳殼

炒

黃芪

刺蝟皮

炙

陳皮

白蒺藜

炒去刺

秦艽

兩半

共末入蜜杵丸梧子大空心酒下三十九臨臥再服
當日血止定痛

神妙湯 薰洗五痔

革薺

甘草

五倍子

括蕪根

大豉

葱白

等分

每日用一二兩煎水薰洗日二

神白散

治痔瘡下部發腫如梅李大痛硬不能行者即

時取效

半夏

齊州者

每用一枚研極細入水片一小皂子大同

研勻用津唾和攤軟紙上貼之即冷如水良久清水

水漸消未全愈再貼去根尤妙

牡痔

論曰內經謂飲食自倍腸胃乃傷因而飽食筋脉橫解故
澀而為痔其狀肛邊生鼠乳或痒或痛膿血時下謂之痔
蝟皮丸 治牡痔肛邊生鼠乳疼痛寒熱

蝟皮炙

附子

槐木耳

枯白礬

川歸

桑白皮

赤芍

一兩

楮根白皮

炙

共末入蜜杵丸梧子大飲下三十丸

荆芥槐花散

治鼠乳牡痔便血痛不可忍

荆芥穗

槐花

炒

枳殼

炒

黃芪

蜜炙

共末空心飲下二錢

牝痔

論曰牝痔者由邪熱壅在肺經傳注大腸又大腸久虛風
熱留滯故令肛邊生瘡而流血也名曰牝痔此皆酒食房
勞過度令毒氣攻注所為故又謂之酒痔

地榆湯 治牝痔肛門生瘡下血不止

地榆

子芩

赤芍

枳殼

檳榔

川歸

黃芪

兩

水煎四錢空心溫服日二

淋洗白礬湯 治牝痔

枯白礬

研末每用五七分入沸湯內和勻浸洗日二差

疔毒

論曰疔毒者臟腑蘊積風熱不得宣通也風熱之氣乘虛流入下部故肛邊生瘡疼痛血出也蓋實為痛虛為痒今實熱乘虛下攻肛腸故痒且痛又疔者血之腑得熱則妄行故血乃出也

槐莢煎丸 治疔毒生瘡下血痒痛

槐莢 一斤洗入水 半斤研取汁 白蜜 二兩與莢汁 同煎成膏 防風
黃芪 錢五 杏仁 去皮尖炒 皂莢子 炒三分 枳殼 炒一兩
其末與杏末拌勻入膏杵丸梧子大飲下二三十九

日二

阿膠湯 治疔毒有蟲時作痒痛血出不止

阿膠 炒 艾葉 川歸 青箱子 一兩 水煎五錢温服

薰洗槐白皮湯 治疔毒有蟲或下膿血

槐白皮 斤二 用水一斗五升煎一斗傾盆中坐薰湯冷再煖蟲當隨便利自出仍用槐白皮為末綿包錢許內下部中日二差

出蟲方 治疔毒下部如蟲咬

桃葉 斤十 搗研蒸熟乘熱入小口器中坐薰其蟲自出

滌痔散 同上

白礬 研一兩 取小便三升溫熱入礬末五錢乘熱洗之

血痔

論曰血痔者乃肺熱流毒也肺與大腸為表裏今肺臟蘊熱毒氣流滲入于大腸血性得熱則流散故因便而肛腸重痛清血隨出名曰血痔

蝟皮散 治血痔

蝟皮 燒灰存性 白芷 黃芪 懷熟地 側柏葉

川續斷 地榆 川連 一兩 共末空心飲下二錢日二

地榆湯 治血痔

地榆 熟艾 防風 枳殼 炒 龍骨 黃芪

桑木耳 一兩 水煎五錢入生地一分溫服日二

蒲黃湯 治諸痔下血

蒲黃 川芎 生地 白芷 川連 川歸 白石脂

甘草 一兩 水煎五錢空心溫服日二

黃芪散 治血痔下血不止

黃芪 蜜炙 枳殼 炒三兩 防風 兩半 共末空心飲下三錢

日二

聖濟總錄卷之二十一
三十一
枳實槐角子散 治血痔下血久不差

枳實炒 槐角子 木賊錢五 共末用皂莢湯下二錢

日二

腸痔

論曰腸痔者以腸胃有風挾熱二者乘虛入于腸間冲發下部故令肛邊生核腫痛不消病始作令人寒熱時有血出也

枳殼湯 治腸痔腫痛生核或發寒熱

枳殼炒 子芩 白芍 黃芪一兩 川芎 川歸

檳榔煨 丹參兩半 水煎五錢空心溫服日二

括蕪散 治腸痔下血

括蕪大者一枚 烏梅肉十枚 將蕪切蓋去空以梅肉實其中仍蓋封用黃泥包裹晒乾火煨存性研末溫酒下

二錢日二

地榆散 治腸痔下部生核腫痛時發寒熱出血

地榆 槐花半生半炒 甘草一兩 共末用枳殼桑白皮湯

下二錢日二

又方 治一切痔淋洗

卷之三十一 腸痔 三十一

荆芥穗 生甘草二兩 同末水煎一兩淋洗日二

白朮紫朴丸 治久積虛冷腸風痔瘻面色萎黃虛劣

白朮 紫朴三兩 人參 甘草 川歸一兩 黃芪

黑乾薑 陳皮兩半 共末入蜜杵丸梧子大飲下二三

十九

二根散 治腸痔有血

枸杞根白皮 白薔薇根白皮二兩 共末水下二錢

氣痔

論曰氣痔者因便下血或肛頭腫凸良久乃收是也此由

毒氣蘊積腸間及恚怒不節酒食過傷令下部氣滯壅結而成

烏蛇黃芪丸 治氣痔大便下血脫肛腫痛

烏蛇肉五兩 人參 獨活 枳殼 地骨皮一兩

郁李仁去皮 羚羊角三兩 黃芪 檳榔兩半 大黃炒

大麻仁炒二兩 訶勒皮一分 共末入蜜杵丸梧子大酒

下二十九丸以梨為度未利加丸數

必效丸 治氣痔脫肛不收或生鼠乳時出膿血久不差

枳殼炒 黃芪蜜炙 共末陳米糊丸梧子大空心飲下

三十九日二

痔瘻

論曰五痔之疾或生鼠乳或發寒熱或生瘡痒痛或下膿血其症不一治之不早反勞傷過度則毒氣浸漬肌肉穿穴瘡口不合時有膿血故成痔瘻經曰痔久不差變為痔瘻是也又或蔓穿數處或形似螺蛳膿血與肌肉綿綿而下故謂之痔瘻昔人謂蟻蟲居腸間多生瘻痔方中用薰法及化蟲之藥不可不察

乳香九 治一切痔瘻反花瘡

乳香五錢 麝香 冰片 丹砂 沒藥二錢 雄黃

黃蠟 生地一兩 共末研勻化蠟九梧子大用麥冬湯

下十九丸少留末塗瘡上

蝟皮丸 治五痔多年不差漸成痔瘻

蝟皮炙 龍骨炙 附子 川歸 枳殼炒

黑乾薑兩 黃芪兩 艾葉三分 共末入蚤杵丸梧子

大用黃芪湯下三十丸

腸風下血 詳結陰下血

論曰腸風下血者由腸胃有風氣虛挾熱血得熱即妄行因而滲入腸間故令下血故以為名昔人謂先血後便為

近血先便後血為遠血遠近之別不可不察

玉壺丸 治腸風下血

皂莢鍼

青嫩者半斤用水五升浸七日砂礪煮取汁一升又蒸減半入蜜一兩熬成膏

胡桃

仁十枚

枳殼

火燒酒滓一兩

乳香

沒藥

炙二錢

椿根白皮

陰地者炙一兩

共末入膏杵丸梧子大每服二十九

腸風下血煎木賊湯下 五痔疾荆芥湯下

時常瀉血米飲日下二

土屑丸 治腸風下血及痔瘻藏毒久不差

槐根白皮

椿根白皮

苦楝根白皮

三兩三味採時春宜早夏宜遲

天南星生

生半夏

錢五

威靈仙

兩一

寒食麩

兩二

共末拌勻滴水丸梧子大每服三十九先用水二鍾

煎滾入丸令浮再服日二

琥珀散 治腸風及一切血痢脾臟下血不止

琥珀屑

研

赤小豆

白芷

枳殼

槐花

鹿角霜

一兩

上五味同炒焦黑為末入珀末拌勻空心米飲下

二錢日二

槐角子散 治腸風

槐角子

炒

防風

枳殼

炒五錢

黃芪

炙一兩

共末空心茶下一二錢

防風散 治腸風下血

防風微炒

黃芪炙二兩

炙甘草

人參五錢

共末空心飲下二錢

白朮丸 治腸風痔瘻脫肛下血面色萎黃久不差

白朮

一斤用糯米三升同浸三日曬乾細切慢炒香為末

懷生地

半斤酒浸甑上蒸熟爛搗

如泥 二味和勻用大力者搗二三千槌如硬入好酒蜜

少許丸梧子大陰乾空心米飲下二三十丸日二

牡蠣散 治腸風下血不止及脫肛

牡蠣大者醋淬七次

細研如麩空心飲下二三錢日二

傷折門

從高墜下傷損腫痛 傷折惡血不散

筋骨傷折疼痛 傷折風腫

傷折統論

論曰諸脉從肉諸筋從骨骨三百六十有五聯續纏固手所以能攝足所以能步凡厥運動固不順從若乃倉卒之際墜墮倒仆傷折蹉跌患生不測詎可不圖療治小則消腫而伸攣大則續筋而接骨各有方劑存焉當按症施治

從高墜下傷損腫痛

論曰凡墜墮傷損腫痛輕者在外塗傅可已重者在內當導瘀血養肌肉宜察淺深以治之

阿膠湯 治墜墮傷折手足痛

阿膠 白芍兩 生地 川芎 川歸 熟艾兩

黑乾薑 甘草五錢 水煎三錢溫服日二

地黃糟裴方 治墜墮撲損筋骨疼痛瘀血凝滯腫熱不

懷生地搗 酒糟等分 看輕重下藥拌勻蒸熱塗傅患

上用帛裹縛日一易

接骨膏 治一切打撲傷墜疼痛

續斷兩 白芨 附子 川歸 獨活 桂心

雄黑狗脊骨燒 白欽 桑白皮五錢 黃米炒

共末用酒半鍾和藥末三錢白麩二錢生薑自然汁少許慢熬成膏攤貼三日一換冬月用杉木皮綿繩夾縛夏月以柳枝子五條夾縛雖緊不妨

續骨丸

黃蠟煉過 鉛丹飛炒 自然銅醋淬 蜜陀僧煨

白礬十二兩 麒麟竭 丹砂飛過 乳香炙去油 沒藥

灸去油

豬脂

十兩

先熬脂化蠟于冷處入僧丹銅末

再熬攪滴水不散又出鼎離火下諸末不住手攪至

凝丸彈子大且用笋皮襯之極冷收貯凡傷折用一

丸入少油化塗傷痛處以油紙帛護之甚者以燈心

裹木夾之又以一丸分作小丸熱酒下痛即止如藥

力盡痛未除再一服骨上便安

玄胡索湯

治傷折疼痛筋骨未合肌肉未生

玄胡索

川歸

白欬

懷熟地

鹿角膠

綿黃芪

桑寄生

桂心

一兩

水煎五錢空心溫服日二蓋煖

傷折惡血不散

論曰脉者血之腑血行脉中貫于肉理環周一身因其肌體外固經脉內通乃能流注不失其常若因傷折內動經絡血行之道不得宣通瘀積不散則為腫為痛治宜除惡瘀使氣血流通則可復完

黃芪湯

治傷折惡血凝滯腫痛

黃芪

白芍

附子

生地

桂心

川歸

續斷

一兩

大黃

生

川椒

乾薑

二兩

白水煎三錢溫服日二

糟米塗

治傷折赤腫惡血不散疼痛

酒糟二斤

糯米半升

用酒煮米熟入糟煮稀稠得所乘溫熱塗上用帛封裹煖一日一換以差為度

蒲黃散

治傷損惡血不散不欲聞人聲胸中氣塞便利

出血

蒲黃合

生地二兩

桂心

白芷

川歸

續斷一兩

炙甘草五錢

共末酒下一二錢日二

葱白塗

治一切墜落打撲腫毒疼痛

葱白三十根

用灰火煨透乘熱搗爛塗患上用棉紙包

縛令煖

筋骨傷折疼痛

論曰人之一身血榮氣衛循環無窮或筋肉骨節悞致傷折則血氣瘀滯疼痛倉卒之間失於調理所傷不得完所折不得續輕者肌膚焮腫重者髀肉剝脫治宜先整其骨續其所折後施貼熯封裹之劑

麒麟竭散

治筋骨損傷疼痛

麒麟竭

白芷

赤芍

沒藥炙去油

蒲黃

自然銅

醋淬七次

生大黃

川歸五錢

桂心

荷葉

骨碎補去毛

共末空心酒下二錢日二

筋骨傷折

川芎散 治傷折腫痛血不散

川芎 桂心 附子 川椒炒 甘草 蘭葉一兩

大黃醋炒 川歸五錢 共末酒下二錢日二

接骨桂芸膏 治撲打筋骨傷折腫痛不可忍

桂心 芸苔子 白芥子 敗龜板 大黃 虎頭骨

赤狗頭骨燒灰存性 木别子一兩 共末研勻用小黃

米粥攤帛上搽末一匙裹損上以竹片夾定繩縛日七

沒藥丸 治傷折筋骨疼痛

沒藥研 丹砂 牛膝一兩 為末研勻用酒麩糊丸梧

子大丹砂為衣用木瓜湯下二十九日二

八骨散 治筋傷骨損疼痛

虎骨醋炙 龍骨煨研 牛骨醋炙 雞骨醋炙 狗骨 兔骨

羊骨醋炙 猪骨醋炙 楓香脂 自然銅醋淬七次

共末每有傷折以黃米粥熱攤布上搽末貼患處用布包裹以繩縛之

神授散 治傷折內外痛不可忍

川歸 鉛粉五錢 蓬砂錢 共研勻共蘇木煎湯下二

錢仍用粟米粥攤布上搽末貼腫處如骨碎用木皮

竹帛夾定繩縛

五骨散 治傷折筋骨痛不止

鱖鯉甲項骨 虎頭項骨 猴孫項骨 黃犬項骨

野貓項骨一兩 上五骨細剉以米醋好酒各半斤浸一

宿炙黃為末入後藥用

天雄五錢去皮 臍炮裂 肉苁蓉五錢浸 洗炙 二味共末與上末

拌勻每服酒下二錢日二又用粟米為末醋煮成糊

入末拌稠攤塗帛上貼痛處用帛包棉裹煖痛立止

傷折風腫

論曰肌肉傷折皮肉破裂久而未合為外風所觸則令肌

肉受寒既不得收斂又與氣血相搏不得消散故為風腫

風腫不散即變膿血敗壞之疾

荊芥湯 治傷折風腫

荊芥穗 川歸 川芎 川續斷一兩 共末酒下二錢

日二

地黃川歸散 治傷折為風冷所侵肌肉不合腫痛

懷熟地 川歸 羌活 獨活一兩 共末空心酒下二

錢日二

聖濟總錄卷之二十一
沒藥散 治傷折風腫

沒藥 川芎 附子 白芷 川椒 川歸 檳榔

甘草 桂心五錢 共末酒下二錢日二

川歸湯 治傷折皮肉破裂風毒內攻腫痛不消

川歸 大黃炒 白芷 防風 烏頭兩

水煎五錢溫服日二

黃蠟膏 治傷折風腫痛

黃蠟五兩 桂心 吳茱萸一兩 食鹽燒二錢 共用為末

以麻油化蠟入末熬攪勻成膏攤日一易

終

聖濟總錄纂要 卷之二十一

新安 程 林雲來 纂

錢塘 陸鴻勳吳菴

關中 田 泓海若 較

山陽 王道明朗士

傷折門

打撲損傷 被傷絕筋 諸骨蹉跌

傷損止痛生肌 傷折貼燻并膏藥

打撲損傷

聖濟總錄卷之二十二
論曰打損撲傷或焮腫疼痛或血出不止外須以貼燻塗
傅內須服去瘀血養肌肉和血氣之劑次則生肌斂口傅
之以俟平復此治損傷之大法也

骨碎補散 治打撲損傷筋骨皮肉發熱疼痛

骨碎補

白芷

乳香

去油

生地

當歸

兩一

澤蘭葉

川芎

桂心

桃仁

錢五

甘草

附子

分一

共為細末溫酒調下三錢頃又服

地黃湯 治墜墮傷折手足痛

生地

川歸

兩一

阿膠

白芍

兩半

川芎

熟艾

兩一

骨碎補

兩一

桂心

甘草

錢五

水煎五錢溫服日二

二奇湯 治打撲損傷

威靈仙

骨碎補

各五錢

作一服酒煎盡量飲蓋暖出汗即愈

回生散 治打撲損傷疼痛

大茴

官桂

烏藥

紫荊皮

甘草

各一錢

右為末每服五分好生酒送下盡量飲取汗避風瘦
人三分大便出血即愈

被傷絕筋

論曰被傷絕筋者須觀其輕重治之接續之法要在氣血未冷之際外用續筋止痛藥傳裏內兼服藥調治庶幾可救緩則風冷入于裏則難治矣

聖功散 治筋骨傷折疼痛不止接骨續筋

硃砂 明雄 乳香 沒藥 俱去油 各一錢 麝香 一字

土蟹 十枚燒酒浸炙焙乾 右為細末磁餅封貯勿令洩氣用時

強盛人照一字瘦弱人服半字燒酒調下未愈再服

沒藥散 治跌打損傷骨折筋絕

乳香油 沒藥油 琥珀 二錢 土蟹 三箇燒酒浸焙 明礬 一錢

硼砂 一錢 麝香 三分 半兩錢 一箇醋滓七次 蟹爪肉 熟三錢

活牛角 刮取炒黃色二錢 右為細末每服五分白酒送下在

下部食前服在上部食後服

諸骨蹉跌

論曰諸骨蹉跌者墜墮倒仆傷折致諸骨蹉跌治之須扶骨對正用止痛生肌接骨之劑封裏內服藥調治倘骨碎者便當出之否則膿血不絕肌肉亦不能收斂則難愈也

接骨紫金丹

乳香 炙去油 紫荊皮 骨碎補 大黃 血竭

歸尾

礪砂

土螿

燒酒浸灰
瓦焙乾

自然銅

煨淬
七次

各一兩

右為細末每服七分半熱酒調服其骨自接

此方治打撲骨折瘀血攻心發熱昏暈其瘀血白下吐血等症皆可服之如骨接而諸症未去者去土螿

自然銅更服五分即愈

傷損止痛生肌

論曰傷折之候皆因刑杖跌撲損傷或掀腫疼痛或血出不止大抵最忌服冷物恐血凝入心之故內服之劑要在溫補和血止痛為主至於歛口生肌之外用豈可偏廢哉

虎骨散 治打撲損傷疼痛不止并治筋骨疼痛血風走

注疼痛皆治

虎骨

自然銅

醋淬
七次

地龍

水浸
晒乾

牛膝

漏蘆

延胡索

威靈仙

龜板

炙

桂心

當歸

各一兩

共為細末每服一錢煖酒調下

生肌散 治打撲墜損傷諸骨蹉跌筋絕血出疼痛不

止傳之即愈并治一切癰疽腫毒膿水將盡時用之

去腐生肌金瘡刀斧傷血出疼痛不止者傳之神妙

白蠟

合歡皮

乳香

去油

赤石脂

煨

沒藥

去油

血蝎

海螵蛸

去殼

雄黃

龍骨

服

兒茶

獐腦

各

錢

土螿

焙乾
三枚

蟹爪肉

熟

白芷

桔礬

各一
錢

硃砂

一錢

麝香

一字

金箔

少許

右為細末磁罐收貯每用少許傅傷處立能止痛止血合時須五月五日或天醫日合為妙

傷折貼煨并膏藥

論曰傷折之症輕則肌膚腫痛重則肉脫血出既整其骨內服去瘀生肌之劑外必以貼煨膏藥并用可也
接骨方 治打撲墜墮損傷手足骨折

用雄雞一隻約一斤重者生去毛生去爪嘴開腹底乘生氣即搗爛用五加皮研末和入搗之以勻為度勿太爛勿過乾用時先以五加皮煮無灰老酒飲至極醉將骨折處用手按平將雞藥傅上棉帛縛之如今日此時縛至明日此時解開其骨即生滿矣如過一時其骨即長一寸 如骨接後而尚痛者以黑豆炒焦色用老酒沃之搗爛傅上半日一換

糯米塗 治跌打損傷疼痛

糯米

酒麴

三九

將糯米煮熟如飯入酒麴和勻乘

熱塗上用帛封裹三日一換酒香即愈

龜板膏 治打撲損傷疼痛

敗龜板

一枚燒灰

虎骨

燒灰

白芥子

生大黃

川歸

錢五

滴乳香

灸

沒藥

灸一分

右為末研勻用小黃米粥攤帛上摻末一匙裹損上以竹片夾定繩縛七日

雜癩門

中藥毒

食毒

食諸菜蕈菌中毒

飲酒中毒及大醉不解

中藥毒

論曰炎帝嘗百草而著本經分上中下三品聖功極矣漢唐以來漸增致千百種之繁蓋無毒之中而有有毒者後代庸民去聖已遠不審良惡偶誤餌之經云有病病當無病胃傷不急救之漸致危斃古方用甘草菜豆能解諸毒亦用諸藥而各相制伏者

冬青汁飲 解砒霜毒

先用白蠟為末和新汲水服之護其腸胃仍以冬青葉搗汁灌之以大便去毒為度如冬月無葉以根搗汁和

聖濟總錄卷之二十一
水代之

解中砒霜方

羊血

雞血

各一
鍾

和勻服之

又方

稻稈

燒灰新汲冷水淋汁濾清冷服一碗毒即下

黃連湯

解中巴豆毒

黃連

黃柏

各五
錢

水二升煎一升候極冷服之忌服

熱物仍以冷水浸兩手

又方

寒水石

一味為末煮汁飲之

解烏頭附子天雄毒

遠志

一
兩

防風

五
錢

水煎汁飲之

服諸石藥中毒解方

白鴨尿汁

水和服之

解中大戟毒方

石菖蒲

一味煎汁服二升差或生搗汁更妙

解芫花毒方

防風

甘草

防已

等
分

三味水四升煎二升服之

解射罔毒方

藍汁 大豆

菜豆二合

藕汁鍾

二豆煎汁和勻

服之

解甘遂毒方

大豆五合

水三升煎升半服之

食毒

論曰飲食雖以養生亦有時而傷生何也凡食物諸品莫不有陰陽五行具焉漫不察其寒溫燥濕之性順逆宜忌之因人性南北異稟食物南北異種一或犯之棘喉潰腹可不慎與倘誤中其毒宜服藥解之

解一切飲食毒方

大豆五合

大粉草

五兩 微炒

二味搗細用水四升煎二升

溫服須臾或吐或瀉毒即隨去雖甚渴不可飲水

又方 治誤飲饌中毒者未審中何毒卒急無藥可解

薺芫

甘草

一兩

水二升煎一升服之入口便活

食諸菜蕈菌中毒

論曰諸菜雖地產陰物而能養生然氣有寒溼性有善惡偶不審辨之其不為禍也幾希如諸蕈菌夜有光者煮不熟者煮訖其湯照人無影及欲爛無蟲者皆不可食倘誤

中其毒以地漿諸藥解之

解食諸菜毒方 治食諸菜中毒發狂煩悶吐下欲死

葛根 生搗汁一升服之良或無生者即搗乾葛末水
和服之煮服之亦可

治食諸菜毒方

苦參_{二兩} 甘草_{一兩} 苦酒二升同煎數沸去滓服吐出

即愈

治諸菌毒方

地漿水 掘地作坎以水沃其中攪之令濁俄頃取之

飲三四鍾即解 又兼治楓樹菌誤食之令人笑不

止飲之即解

又方

橄欖_{七枚} 搗為泥服之
去核

又方

防風_{二兩} 甘草_{一兩} 用水四升煎至二升須冷飲即解

解食諸葷毒方

木香 青皮 等分為末煎湯飲之

飲酒中毒及大醉不解

論曰本草謂酒通血脉厚腸胃禦霧露瘴氣敵風雪寒威
惟糯米麵麴為良隨處出者名多不一或用諸燥藥為麴
皆大熱有毒惟菘豆能解之若恣飲過多助火亂性腐腸
損身倘中其毒及大醉不解者急宜服藥解之

黃連解毒湯 治縱飲熱酒中酒毒煩亂躁渴引飲面赤

眼紅小便澀少

黃連 黃柏 黃芩 山梔仁等分 水煎五錢溫服

解醒丸方

葛花一兩 桂花 菊花 五味子 烏梅肉五錢

共末蜜丸彈子大每用一二丸預先化下能解酒毒

若已醉者服之能解

飲燒酒醉死急救方

先用冷豆腐厚傅胸膈以護其心仍急用清水煮滾用

鍋數箇取氣汗水三鍾徐徐灌下即解

治酒醉不醒方

甘草五錢 菘豆去殼一合 水二升煎一升溫服

又方

甘菊花 九月九日採取陰乾為末清飲調下三錢

聖濟新編卷之二十一 及大醉不解
酒醉不醒方

葛根 生搗汁飲一二升卽差

又方

菘菜子合二 細研并華水一鍾調爲二服

食牛馬猪犬魚蟹中毒 解金銀銅鐵石毒

中蠱毒 狗咬

食牛馬猪犬魚蟹中毒

論曰天產屬陽地產屬陰禽獸皆陰陽生物氣味各有冷熱之殊性有好惡之異大抵諸肉補陽能助起溼中之火

素問云膏粱之變足生大疔故諸肉如熱血不斷落水不沉及病牛壞馬魚目有瞳目能開合腦有連珠鰕煮不灣鱗腹有毛及諸肉形色異常皆有毒不可食孔子色惡不食臭惡不食者此也倘中其毒宜服藥解之

解一切牛馬肉毒方

大粉草 細切微炒搗細量病人喫得多少酒取無灰酒一處研去滓溫服須臾大吐瀉毒亦隨去雖十分渴不可飲水飲水難救

解中雞子毒方

醇醋 飲三四口即解

治食狗肉不消心下堅硬或噎脹口乾忽發熱妄語方

韭根 杏仁一兩 蘆根三兩 水四升煮取二升飲之

治食魚肉毒方

苦參三兩 以苦酒一升煎三五沸去滓服吐出即愈

解諸魚毒方

陳橘皮二兩 水三升煮取升半去滓服即愈

又方

蘆根三兩 剉碎水三升煮一升飲之即解

治河豚毒解方

扁豆五兩 水四升煮汁二升服之即解

又方

橄欖十枚 水二升煎汁一升服

治解蟹毒方

黃芪 吳藍等分 水煎一兩服之即解

治蟹毒方

冬瓜 生取汁飲一二升即解

又方

紫蘇握一 搗汁一升飲之差如無生者乾者煎汁飲之

又方

乾蒜七枚 煮汁飲之即愈

解金銀銅鐵石毒 治誤食金銀銅鐵方

蠶豆炒 研為細末砂糖調服即從大便出

解金毒方

斑鳩肉 治如食法煮食之解或鷓鴣肉食之

又方 治吞金欲死

鴨一隻 殺取血飲之即解

解金銀銅鐵毒

雞尿 水淋取汁服之或鴨屎汁亦可

解鐵毒方

磁石 為末水服三錢

蠱毒

論曰蠱毒者嶺南人多作之凡病人中蠱其狀令人心腹切痛如有物咬或吐下血不即治之蝕人五臟盡即死欲知是此當令病人吐水沉者是浮者非亦有以蟲蛇合作蠱藥著飲食中使人病瘕此一種一年死治之之法當服

藥使呼蠱姓名卽去亦有服諸藥而制伏者

蠱毒方 治卒中蠱毒下血如鵝肝晝夜不絕臟腑壞敗
待死

敗鼓皮 燒灰酒服三錢須臾自當呼主姓名卽差
試中蠱毒方

雞子一枚 煮熟去殼以小銀簪一枝插在蛋內含口中
一頓飯時視簪蛋俱黑卽是中蠱 倘若人與飲食
以犀角攪之有白沫泛起卽有毒也用後方

石榴皮飲 治中蠱毒

石榴根皮

東引者

剉一兩煎濃汁飲之卽吐出活物

又方 治中蠱毒吐下血如爛肝

苦瓠

一枚

水二升煮取一升服立吐卽愈 又方煮苦

瓠令消服神驗

治蠱毒神驗方

胡荽根 搗爛絞汁半升和酒服之立下

治蠱毒神驗方

玳瑁 以水磨濃汁飲服一盞卽解

治中蠱毒或吐下血如爛肝方

蚯蚓十四枚

皆可活

以苦酒二升漬之蚓死但服其汁已死者

治蝦蟆及蝌蚪蠱得之心腹脹滿口乾思水不能食悶亂

大喘而氣絕方

車轄脂半升

和温酒一升漸漸服之其蠱自出

又方

刺蝟皮

燒過爲末水服三錢當吐出毒

治蠱毒方

牡丹根

搗羅爲末每服一錢日三良

治中蠱毒方

胡荽子

五合

酒二升煮汁一升服之

狗咬 治狗咬方

甘草

杏仁一兩

紫蘇五錢

水四升煎去滓温服更以

三味末傅咬處

又方

生鐵

不拘多少煮令有味洗之

又方

乾薑

爲末內瘡中立差

聖濟總錄卷之二十一
諸蟲齧

獬犬齧

論曰獬犬齧者犬發狂疾跑躁齧人若中之令人疼痛不止發狂如犬聲不急治之亦能殺人男子過三日不治婦人過五日不治

治獬犬齧方

地榆一兩 水二升煮汁一升飲之兼為末傅瘡上每服末三錢白湯下日三服忌酒若瘡已差者搗生韭汁飲三升

又方 治獬犬齧瘡

礬石 為細末摻內瘡中裹之立止痛其瘡即愈

又方 生地黄 搗汁飲四五合并塗瘡口

治獬犬齧方 小兒胎髮炒 新香附 野菊花 研細末酒調服盡醉

又方 鼠屎二升 燒存性為末傅瘡上

蛇螫

論曰諸蛇螫人如青竹赤練虺蛇地區之類皆有大毒倘中人不急治之則能殺人也

雄黃散 治諸蛇毒螫人欲死佩之兼辟蛇毒

雄黃

乾薑

各等分

共為細末傅螫處如辟蛇毒用小

絹袋盛繫臂上男左女右蛇聞藥氣遠避

香白芷散

治諸蛇螫辟蛇毒

香白芷

雄黃

藜根

各等分

麝香

少許

共為末醋調傅螫處立愈欲辟蛇焚之即遠遁去

一方用菊花根汁調傅尤妙

治一切蛇螫方

金線重樓

水磨少許傅螫處又為細末酒調飲之

治毒蛇螫人方

地榆根

搗爛絞汁飲之兼漬之

治蛇入口并入七孔中方

母猪尾尖割斷瀝血滴口中即出

治蛇螫方

鳳僊花

搗爛傅之即愈

碎蛇方

若蛇到燒殺羊角令有烟出蛇即去矣

治蛇齧方

人糞 先以火酒洗過次以糞傅齧處差

治蠍螫人方

活蜘蛛 一枚 爛研取汁傅之即差

蜂螫

蜘蛛蜈蚣傷

溺水火

自縊欲死

治九里蜂螫方

處士劉湯隱居王屋山曾見一大蜂誤落蛛網為蜂所

螫墜地俄頃蛛腹脹欲裂徐徐行入草中咬開芋梗以傷就咬處磨之良久腹漸消輕走如故自後有被蜂螫者將芋梗傅之即愈

治蜂螫人方

羊酥 傅之即愈

蜘蛛蟲等咬傷方

銹鐵 即鐵上縮衣取和獨蒜磨傅咬處

治蜈蚣咬傷方

取活蜘蛛一枚放咬處則能吸其毒如蜘蛛死痛未卸

更著生者以愈為度

又方

蝸牛 搗取汁滴入咬處

又方

苦參末

百齒霜

即頭垢膩

二味酒調傅之

治蜈蚣咬方

桑白皮

生者取汁和白鹽傅之

溺水灸

論曰凡溺水灸心氣尚溫而脉未絕者宜換去溼衣以厚

衣裹之灌以熱湯可活切忌火烘恐寒熱相搏之故若或犯之則不能救也

治水溺灸灸法

艾炷如黃豆灸臍五七壯如不應移上一二分再灸數

壯可活

溺水灸方

皂角 為末綿裹內穀道中須臾出水即活

自縊欲死 治縊死灸法

凡自縊死用麩塊塞糞門勿急剪繩用二人扶定將繩

解鬆用艾火灸臍七壯如不應移上一二分再灸只在上下臍孔間不住灸至數十壯猶有活者不可因臍傷釋手至囑至囑令數人搓手心脚心熱更好

五絕散 治自縊歿併溺歿

半夏

一兩

搗篩爲末丸如豆大內鼻中卽愈心溫者一

日可治

治自縊歿方

梁上塵 如大豆各內一筒中四人各一筒同時極力吹兩耳鼻中卽活

治自縊歿定安心神徐緩解之慎勿割繩斷抱定心下猶

溫者

雞冠血 刺取之滴口中卽活男雌女雄

又方

雞屎白 如棗大酒半盞和灌之及鼻中佳

